



## मत्ती 8



गालीलल याहुव सौलात काना यादोज्याव नाखारल तोबो बिहया ओल्यो। येसुए ओआमा ब नक ज उलिज्याव। येसुलाई ब उसिसरास नो बिहयालाव भत्यारल याराखुल्केर।



नो बिहयाल याओज्याव दाखमद्य ओखेमोत येसुए ओआमाए येसुलाई, “नलाव याओज्याव दाखमद्य खेम्द ले,” है ओदोक ते, नकिन येसुए ओआमाए नक लिज्याव नोकोरालाई, “येसुए जो है दाचिज्याव, हो ज दोच्यो,” है यादोक्यो।



येसुए नलाव येन दाज्यावरालाई, “आव घागरी भरिल री तसी तसी जैचिके,” है ओरादोव पाइंना नोराए घागरी भरी यारासब्याल्केर। हाःत ज़, “आव री आनी तुपुरु क्योःद भत्यारलाव येन चलैज्यावलाई लादिचिके,” है ओरादोक ते, नोराए लाँदिकेर।



3

नो येन चलैज्यावए नो दाखमदय जैसिउ री ओदारक, आः डमो दाखमदय कातानी ओताव लिन्या मासैक्यो। नो ताव री गप्ज्यावराए वाज़ यासैज्याव।



4

है जैद नो येन चलैज्यावए ब्याहोल्यालाई खुल्द, “उपुर्कावराए ते चाव दाखमदय भरी इादा ज़ भाःज्यार, ओपाहुनाराए कुधु याओवत वाज़ जाँ छ्यावाकाव याराएज्यार। नँ ते पाइरानी चाव छींङ पै साँचिद ननैज्याव ओल्यो,” है दोक्यो।



5

येसुए आव पाइरानी उसःकताव ओसरेस गालीललाव काना नाखारल सतैक्यो। निताव अचम्बलाव ओसक्तीर रँःद उसिसराए येसुलाई यायुँ हुप्के।




6

नकिन येसु पत्रुसए उझिमक ओबाक पत्रुसए उमुइँज्यु ओजोरो हुद घ्याँसिद उलिज्याव रँःक्यो।



7

येसुए नोलाई उकुइँ छाप्द ओयो पाइंना ज़ ओजोरोए रास्क्यो। नो सोद बेहार ज़ येसुलाई ज़्यावर ब जैदिक्यो।




8

रिमदा रिमदा नम उनुपोत नलाव मिँराए याजोरो हुवर सोनो  
माचाव पुरुसराए क्योःद यारानैज्यावरालाई येसुए ओल्योक  
यारारैकेर। सहरलाव मिँ  
भरी यामक छुइसिद  
यालिज्याव।



9

येसुए कुधु बेथाए क्योःद ओरानैज्यावरालाई ब यासगराँक्यो,  
याक्याँत माचाव पुरुस ल्योरालाई ब याक्याँतिन माचाव पुरुसर  
पलेऽयाद यासगराँक्यो। नो पुरुसराए येसुलाई यासरेऽज्यावए  
येसुए पाँव ज ओमाराएज्याव।




10

येसुए ओक्याँताव अचम्बलाव ओसक्तीए प्राइँलाई  
ओरासगराँज्यावए ओललाई छाप्न्याए जूनी नो  
माहोल्यार ओल्योक  
बनै याछुइसिहज्याव।



11

नो बेलाक ज़ तोबो उखँ उकुइ सिउलाई चार जनाए घुर्द  
यारैज्याव।



12

खाली येसुए ल्योक मिँर बनै माहोल्या  
यातावए ओल्योक बान्या येम मादैद नोर  
थालात बाद झिम कप्सिउ फल्यार जाँवा  
हाइद सघ्वाँद नो उखँ उकुइ  
सिउलाई ओझेलोइगारास  
येसुए ओझाक  
झरैदिकेर।



13

येसुए नोराए यायुँ उहुबो रँद नो  
उखँ उकुइ सिउलाई, “अ कान्छा,  
नपाप क्याल्लिके,” है दोक्यो।  
“झा नँलाई है डादीज्या,  
नँ सोद नझेलोइगार  
घुर्द नझिमदा बान्के।”




14

नकिन येसु दोङ्गाल उपसित उसिसर ब ओलस ज बाकेर।  
दह माँजल याबाज्याक उमँ:जानी ल्यो  
माल्यो बतास हुद रीए ओछल्कार  
दोङ्गाल पसिद दोङ्गालाई गदैवा  
गदैवा जैक्यो। हो बेलाक  
येसु इल्द उलिज्याव।



15

येसु सोद, “जे काराव जेछे:ज्याव? जेयुँ ना: माहुबोर,” है दाद  
बतास सोनो रीनिलाई उनिसिडारो पाईना थपक ज अदिके।  
निताव रँद उसिसर अचम्ब ताद, “आव किताव मिँ ओताव?  
बतासर रीराए ब ओपाँ यादोज्याव,” है लिकेर।



16

परमेस्वरए आव मानुवाताव मिँरालाई उयुँ  
नाद तोबोका तोबो ओजा ब याएक्यो।  
है जैद जोए नो ओजालाई उयुँ  
हुप्ज्या, नो कै मै माताद  
अजम्बरी जुनी  
दैन्या ले।

40



60

17

रोमी 3:23

काराव ल्यो ताकिन पाईए ज पाप दाद परमेस्वरए ओजगैनी  
अछत ताकेर।

रोमी 6:23

पापए ओजेला नर्ग लिज्या, परमेस्वरए ओयासिज्याव बरदान ते  
गेप्रभु येसु खीसनी अजम्बरी जुनी लिज्या।

हिब्रू 9:27

मिँ भरी तखेप सिउ परिज्या। नकिन परमेस्वरए ओझाक फाल्सिउ  
परिरिज्या।

18

एफिसी 2:8,9

परमेस्वरए ल्योदा जेयुँ जेसुहुबोए उयुँ गराँद बाँचैद नैचिउ। नो जे  
जेदोवनी मा:क, परमेस्वरए अइज ओयाचिउ बरदान ची। गे  
गेदोवनी ताकिन ते सधयो:सिन्या गेल्यो।

रोमी 10:9,10

जेया:त 'येसु खीस ज गेप्रभु' लिद जेपाँकिन, सोनो जेयुँल  
'परमेस्वरए खीसलाई सिउनी सोचोइक्यो' लिद जेयुँल जेपतिकिन  
बाँचिन्या जेले। गेयुँए ज परमेस्वरए ओपाँलाई गेयुँ हुपद ओलस  
गेखैज्या, फरी नो गेयुँलाव पाँलाई गया:ए पाखात पाँद  
गेबाँचिज्या।

19

यूहन्ना 3:16,17

परमेस्वरए आव मानुवाताव मिँरालाई उयुँ नाद तोबोका तोबो  
ओजा ब याएक्यो। है जैद जोए नो ओजालाई उयुँ हुप्ज्या, नो कै  
मै माताद अजम्बरी जुनी दैन्या ले। परमेस्वरए ओजालाई  
मानुवाताव मिँरालाई खेम्न्याए जूनी उपरीव मा:क, बुरू मानुवाताव  
मिँरालाई बाँचैन्याए जूनी उपरीव ची।

1 यूहन्ना 5:11-13

गेलाई परमेस्वरए ओयासिज्याव साची आव ज — गे मिँर  
अजम्बरी जुनी दैन्यार गेताज्या, नो जुनी ओजाए ओक्याँत वाज  
लिज्या। जोए परमेस्वरए ओजालाई उयुँल रैज्याव, होए ज  
अजम्बरी जुनी दैज्याव। जोए ओजालाई उयुँल मारैव, होस  
अजम्बरी जुनी माले। आव डसरो चिथी जे परमेस्वरए ओजालाई  
जेयुँ हुप्ज्यावराए जूनी सदै डानै। आव चिथीनी ज अजम्बरी जुनी  
जेस उलिज्याव सैन्या जेले।

20

मती 8-9; मर्कस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Kham, Western Parbate NT (kjl) © 2015, Wycliffe Bible  
Translators, Inc. All rights reserved.

<https://www.bible.com/bible/2495/MAT.1.NKHAM>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)